


# Bibliya Para Kareng Anak

Bibye na kekayu:

Inyang lelangan ne  
ning Guinu ing  
egana gana



Sinulat ng: Edward Hughes

Ginulis ng: Byron Unger; Lazarus  
Alastair Paterson

Semasnan ng: Bob Davies; Tammy S.

Sinalin keng Kapampangan ning:  
[www.christian-translation.com](http://www.christian-translation.com)

Gewa ning: Bible for Children  
[www.M1914.org](http://www.M1914.org)

©2021 Bible for Children, Inc.

Lisensya: Atin kang karapatang kumopya o iprint  
ining istorya basta eme mu pipisali.



Ninung miglalang kekatamu? Ing Bibliya, salita ning Guinu, sasabyan na kekatamu makananu migumpisa ing yatu. King pasimula, lelangan ne ning Dios ing minunang lalaki at pelagwan neng Adan.



Inubug ne ning Ginung Dios ing tau ibat king alikabuk at pengisnawan an ne arung king pangisnawa ning biye at mikabie ya ing tau. Ikit ne ning tau ing sarili na king masanting a mulang palagwan dang Eden.



Bayu ne lelangan ning Guinung Dios I Adan, lelangan ne ing yatu sapak masanting a bage. Metung metung ing Guinu lelangan na ing gabun antimo bunduk a matas ampo madikut a lugar, mabanglung bulaklak ampo matas a tanaman, miyayaliwang mabalbun a ayup ampo tamumu, lulutang a balyena




ampo matalusad a susu. Ing  
katutuan, Ing Guinu  
lelangan na ngan.

King pekasimula, bayu  
ne lelangan ning Guinu  
ing egana gana, ala ngan  
pwera keng Guinu.

Alang tau o lugar o  
bage. Ala ngan.


Alang sulu ampo  
dalumdum. Alang  
babo ampo alang  
lalam. Alang napun  
ampo alang bukas. Atin  
mung metung a Guinu na  
alang simula. Tangkayi  
ing Guinu ginawa ya!



King pasimula, ing Guinu lelangan  
ne ing banua at yatu.



Ala yang kaayusan ing  
yatu. Tatakpan na  
ning dalumdum  
ing kalalalamang.  
Ngana ning  
Guinung  
Dios.  
"Mika  
atin  
sala".




At linto ing sala. Inawus neng Aldo ning Dios ing sala, at ing dalumdum naman inawus neng Bengi.

Miras ing bengi at dintang ing abak. Ita ing mumunang aldo.



King kadwang aldo, dela ne ing danum ning dagat ampo sapa king ayus lalam banwa. King katlung aldo, ngana ning Guinu, "Palto ya ing malanging gabun". At linto ya.



Ngana mu naman ning Dios, palto yang miyayaliwang  
tanaman ampo bulaklak. At linto la.

Miras ing bengi at dintang  
ing abak. Ita ing  
katlung aldo.



Kaybat lelangan ne ning Guinu  
ing Aldo, ampo ing bulan, ampo  
madakal a batuin a alang  
makabilang. Miras ing bengi  
at dintang ing abak. Ita ing  
kapat a aldo.



Miyayaliwang animal king  
danuman, asan ampo ayup ing  
tutuki king listahan ning Guinu.  
King kalimang aldo, gewa nala  
ding madagul a espadang asan  
ampo malating asan a sardinas,  
makaba bitis a ayup awsan  
dang "ostriches" ampo  
masayang magkantang ayup.  
Lelangan ne ning Guinu ing  
miyayaliwang klasing asan  
danum at miyayaliwang ayup  
bang kanita makapagsaya la king  
gabun, dagat ampo banwa. Miras ing bengi  
at dintang ing abak. Ita ing kalimang aldo.



Kayari na nita, migsalita yang pasibayu ing Guinu. Ngana, paburen yang palto na la ning yatu ding miyayaliwang mabie lelangan ... matunud at malyap, mangaragul at mangalati. Ating mangadagul a elepanti ampo ding bising bibers. Deng malikut a matsin ampo kalpang dapu. Ding balisang bulati ampo bastus a tsipmank. Mangatangkad a dyirap ampo pusang maglampung. Deng miyayaliwang animal lelangan nala ning Guinu king aldo ayta.



Miras ing bengi at dintang ing abak.  
Ita ing ikaanam a aldo.



Atin ya naman gewang ispesyal ing Guinu anyang kaanam a aldo. Deng egana gana makayadya nala para keng tau. Atin pamangan at animal para magsilbi kaya. At ngana ning Guinu "Lalangan taya ing tau king wangis tamu. Iyang manibala king egana gana king yatu." INYA LELANGAN NE NING DIOS ING TAU KING WANGIS NA; KING WANGIS NING DIOS LELANGAN NE ...



Ing Guinu sinabi ya  
kang Adan. "Kanan  
mu ing buri mu  
king isanu pa man  
tanaman ibat keng  
mulahan. Subali mu  
ing tanaman na ning  
beluan tungkul king  
mayap at e mayap.  
Eka mamangan king  
bunga ning tanaman  
ayta nung ali  
mate ka."



At ngana ning Guinu, "E mayap na magdili dili ya ing lalaki. Maglalang kung akayabe na." Inya miyubug yang miyayaliwang animal at ayup.

Pelagyuan nala ngan Adan ding egana ganang animal at ayup; oneng metung man kareti alang meging karapat dapat maging akayabe na.



Inya petudturan neng maniaman ning Guinung Dios  
ing lalaki, at kabang matudtud ya kinua ne ing  
metung kareng tagyang na. Kanita  
gewa neng babai ing tagyang  
a kinua na keng lalaki.



Ing Guinu gewa na ing egana gana kilub ning anam a aldo. Kaybat binindisyunan ne ing ka pitung aldo at gewa neng aldo paynawa. Keng Mula ning Eden, i Adan ampo I Eba, ing keyang abe, masaya lang tataluki king Guinu. Ing Guinu apin iya ing karelang Dios, ing tagabiye karela at karelang kaluguran.



Inyang lelangan ne ning guinu ing egana gana

Istorya menibat king salita ning Guinu,  
ing Bibliya

akit keng

Genesis Mumuna hanggang Kadwa

“Ing dalan kilub ning kekang salita mame  
yang sulu.” Ding Dalit 119:130





Ing Kayaryian



Ing istorya ning bibliyang ayni sasabyan na tungkul keng mayap tamung Guinu a meglalang at buri naka akilala.

Ing Guinu balu na ginawa tamung e masanting, a sasabyan nang sala. Ing yatul keng sala, kamatayan. Uling king lugud ning Guinu pedala ne ing yakabud ng anak, I Jesus, banta mate ya king krus at iyang miparusan keng kekang kasalanan. Kaybat I Jesus sinubli yang mebye at pepaytas ya banwa. Nung sasalpantaya ka kang Jesus at manyad kang tawad Kaya kareng kekang kasalanan, gawan na! Datang ya at kumabye keka, at kumabye ka mu naman kaya angga man king alang angga.

Nung maniwala kang ini ing katutwan, sabyan mu ini keng Guinu: Kaluguran kung Jesus, sasalpantaya kung ika ing Guinu, a megging tawu para mate keng kakung kasalanan at sinubling mebye. Datang ka keng kakung biye at patawaran muku kareng kakung kasalanan, bang kanita midinan kung bayung biye ngeni, at miras ing aldo akayabe daka angga man keng alang angga. Sopan mukung taluki keka at mibye para keka bilang anak mu. Amen.

Basan me ing Bibliya at pakisabyan me ing Guinu aldo aldo! Juan 3:16

